

Arubaanse Courant

No. 8

DIA 27

Dia Luna dia 24 di Julio 1967

No. 1002

RUSIA A ACUSA MERCA DI CONSPIRACION FANTASTICO

MOSCU -- UPI -- E corant sovietico Konsomolskaya Pravda, ta declara awe cu na Merca nan a establece un alto organismo cu ta ser encabesa pa e secretario di Estado norteamericano Dean Rusk y e secretario di Defensa, Robert McNamara pa coordina e tarea di 226 grupo anti-sovietico rond mundu.

Segun e corant, e organismo en cuestion ta directamente responsable na presidente Lyndon B. Johnson. Como arma nan ta usa mentira, provocacion, hipocresia y chantaje", mescla cu mención di Dios.

Jiu muher di e ex dictador sovietico Jose Stalin a ser acusa di ta un miembro prominente di e organizacion nobo.

Svetlana Alliluyeva, actualmente ta biba na Merca desde di a deserta for di Union Sovietica.

Den un articulo di 4000 palabra corant ta bisa cu den e 226 organizacionnan tin e universidatnan mas respetá di Merca, gencianan di gobiernu y fundacionnan.

E corant ta bisa cunantur ta traha constantemente pa descredita Union Sovietica durante celebracion di e di 50 aniversario di e revolucion Bolchevique.

Konsomolskaya Pravda ta bisa

cu e major arma di e organismo ta e escritornan di Svetlana "un muher histérica"...y segundo den importancia na Rusia, despues di "Pravda".

E articulo ta trata e becanan, informenan y estudionan riba Union Sovietica na Merca y a yega na e conclusion cu nan tur ta dedica na un solo fin: destruccion di e estado sovietico.

E corant ta vincula Rusk di departamento di Estado, McNamara, embahada norteamericano na Moscu; correspondientenan norteamericano, Ford Foundation, Rockefeller y Carnegie y universidatnan manera Harvard Princeton, Columbia y Stanford di ta involvi den e conspiracion.

Segun e corant, gobiernu norteamericano a dicidi di descredita e politica exterior di Union Sovietica y e sistema economico y politico di e pais aki den mundu comunista.



E bombero Francis Sweeney aki ta tira un bista riba su jiu muher recién naci, Mary Elizabeth, den man di e enfermera Carol Plumb. E bista aki por ser mirá diariamente cantidad di biaha rond mundu pero e particularidad ta sinta den e hecho cu casá di e bombero a bira malu tempu cu e tabata na estado y a bai den coma, dunando lus den coma y te ainda no a recupera su conocementu --UPI Radiophoto --

Kiesinger ta na favor pa Inglaterra drenta den EEG

ONN --UPI -- Fuentenan fidedignos a revela ayera cu e canceller Kurt George Kiesinger y president di Francia, general Charles de Gaulle, a discuti energicamente ultimo siman, e papel cu Gran Bretania y Estados Unidos mester cumpli na Europa.

Fuentenan agrega cu e canceller aleman ta expresa na su bishita na Francia mester custumbramente cu e idea di ingreso di Gran Bretania den mercado comun europeo, pasobra e asina e majo-

ria dje gobiernonan di continente ta desea, desafiando tambe e concepcion degaulista di un europa mas independiente di Estados Unidos.

Segun e informantenan, Kiesinger a subraya na e president frances, cu Nacionnan Europeo lo perde nan forza politica si nan no consulta mutuamente dilanti e principal crisisnan, observando cu Francia no a haci esey durante e guerra na Medio Oriente.

Ta parece como si fuera e len-

guaje dje dos estadistanan aki a supera e norma tradicional di diplomacia y esaki a converti den un conversacion sin concesion di mitar palabra.

De Gaulle y Kiesinger a celebra un reunion di dos dia den e capital ey, bao dje acuerdo cu ta compromete e dos lidernan di ambos pais na encontra otro y di trata na coordina ocasionalmente su puntanan de vista, pero e mandatario frances a ignora e custumber diplomatica tras dje sesion final y a ordena un ayudante na participa na prensa e tratado cu nan tabatin cu otro.

Aparentemente De Gaulle abisa Kiesinger, cu Francia y Alemania mester uni pa impedi e dominacion di Europa di parti di Estados Unidos, e pais cu el a describi di tin "hamber pa mas poder" segun e fuentenan a bisa.

Tambe e president a bisa cu Gran Bretania mester queda foy Mercado Comun debi na su lazonan intimo cu Estados Unidos.

Fuentenan di e capital ey ta sigur cu e canceller a responde de Gaulle cu majoria dje habitantenan dje seis nacionnan di mercado comun ta desea ingreso Britanico den su comunidad di Francia mester acepta e realidad aki.

Tambe Kiesinger a desafía e temornan di de Gaulle respecto e dominacion estadounidense, asina e fuentenan a bisa, afirmando cu seguridad di Europa ta depende di su alianza cu Estados Unidos y Washington lo a duna un bonbini na un Europa mas fuerte envez di opone contra esey.

Finalmente e hefe di gobiernu aleman a adverti na de Gaulle

cu Europa no por ser políticamente poderoso tantem cu su nacionnan mes no ta coordina nan politica den crisis manera a sosode cu esun di Medio Oriente.

GIVE JEWELRY

Un joya ta un regalo adecuado pa tur ocasion.
Y cerca nos bo ta haya e prijs mas favorable.


Ch. Ragunath -
Nassaustraat

Regalanan tampa serio nos,
te wordo graba gratis.

WHITE HORSE

WIRCO

CAMPEON DI TUR WHISKY



DE VEER THEATER

Aire-
acondicionadota presenta
DIA 24-
25-26 y 27
di JULIGREGORY
PECKSOPHIA
LORENA STANLEY DONEN PRODUCTION
ARABESQUE

TECHNICOLOR®/PANAVISION®

f. 2,--

18 j.

PARTICIPACION

Pa medio di esaki nos ta participa cu "Volkswagen" lo duna un curso di training pa e mecaniconan di Aruba, Curacao y Bonaire, cuminzando dialuna awor 24 di juli na Curacao.

Mitar di nos mecaniconan lo bay Curacao pa tres siman, y e otro mitar lo sigui despues. Durante e seis simannan aki, nos servicio lo ta limitá y pesey mes nos ta suplica pa haci bo peticion pa servicio na tempo.

AUTORAMA MOTOR CO. CURA CABA 1137, Tel. 5305.



WAARSCHUWING

De Landsontvanger op Aruba vestigt hierbij de aandacht op het feit, dat ingevolge de per 1 Mei 1966 in werking getreden "Landsverordening Ziekteverzekering" (P.B. 1966 no. 15) ingaande 15 juli 1967 een interest a 6% s jaars zal worden geheven op het verschuldigde wegens Premie Ziekteverzekering over het jaar 1965 (Kohier I dd. 3-2-1967 en Kohier III, dd. 28-2-67).

De Landsontvanger

Carta di felicitacion di Camara pa gobierno Central

WILLEMSTAD- Dia 21 di Juli ultimo, Camara di Comercio e Industria di Corsow a manda un carta pa Raad van Ministers (Gobierno Central) den cual nan ta bisa lo siguiente:

"Nos ta aprecia masha tantu di por ofrece Gobierno Central nos sincero felicitacionnan cu e resultadonan satisfactorio, qua ser lográ durante e reciente deliberacionnan entre e delegacionnan di aviacion di Venezuela, Hulanda y Antillas.

Nos ta di opinion qu henter comunidad na Antillas por ta altamente satisfecho qu di e manera aki a yega un fin na e dificultadnan, qu durante ultimo tempu tabatin den ramo di aviacion entre Venezuela y nos pais y qu tabata un amenaza serio pa desarrollo di turismo y nos economia en general.

Ademas nos ta sumamente contentu riba e posibilidad qu e acuerdo aki ta habri pa nos compania di aviacion nacional, ALM, aumenta su coneccionnan regular cu Venezuela.

Finalmente nos ta expresa e speranza qu e lazonan di amistad entre Venezuela y Antillas qu a bolbe manifesta nan mes durante e ultimo deliberacionnan aki, lo contribui na solucion algun otro obstaculonnan qu ta stroba desarrollo sano di e intercambio comercial y turistica entre ambos pais y nos ta spera qu pronto lo haya un solucion satisfactorio pa e parti na e...

E carta tabata firmá pa presidente di Camara di Comercio e Industria, señor Ch. Gomes Caseres y secretario Mr. F.W. van Ramshorst.

E UNICO DEN E CASO DI ORO CU A SALI LIBER

ORANJESTAD - Den e caso di robo di oro aki tan solo un acusado a sali liber, y esaki tabata e homber cu a tuma un bará di oro pa warda y a duna e acusado A.S.d.S. e suma di cuatro cien florin pa esaki bai Venezuelay ora cu e bolbe lo e dunele su bará di oro back y lo e haña su placa. E acusado, P.K. ta bisá cu e homber a biní cerca dje pa pidí pa fiele placa, casi por bisa implorando pa judele pasobra e mester bai Venezuela caminda e mester a cobra algun placa y ora cu e regresa e ta pagele. Pa juda e homber aki ela dicidi na tene e oro y a presta e homber e placa. Na ningún momento soe no kler a sconde of cumpra e bará di oro.

Fiscal, Sr. S.H. Tjong Ajong, a pidí pa e acusado aki keda liber, ya cu no a keda comproba e motibu pa cual e ta worde procesa esta encubridor, y tambe en vista cu e homber aki ta un persona ya...



ORANJESTAD - Diasabra anochi riba tereno di Eagle tabatin un acto festivo, durante cual e diferente gruponan di padvinder aki na Aruba a reuni pa despedi di Comisario di Distrito saliente Sr. J.N. Arends mejor conocí como Tooehi. Sr. Arends durante di un tempu crítico cual no por a haña un persona pa actua como comisario di distrito, a bolbe pone su mes disponible pa ocupa e puesto aki e ya den pasado el a ocupa un periodo largu. Pa despedi di Sr. Arends di un sistema cual lo e recorda pa restu di su bida, ela worde otorga un di e distincionnan mas haltu cu un padvinder lo por ricibi, esaki ta e tal jama "Jacobs Staaf". Pa e ocasion aki a biní for di Corsow e Hoofd Commissaris di padvindernan Sr. D. v.d. Ree, kende a dirigi e programa festivo diasabra anochi. Durante di un discurso Sr. v.d. Ree a mustra riba e necesidad pa agrupa tur e organisacionnan di padvinder bao di un solo instancia di manra cu pronto lo por afilia esaki na e organizacion mundial di padvindernan. A toka turno na Sr. A.J. Hulbers, presidente di A.P.V. pa haci e entrega di e medalla di distincion na Sr. Tooehi Arends. Riba e foto nos ta mira e momento cu Sr. Hulbers ta condecora Sr. Arends cu e "Jacobs Staaf" mientras cu Hoofdcommissaris Sr. D. v.d. Ree ta contempla cu cara cu ta mustra su berdadera satisfaccion pa e labor cumpli pa Sr. Arends durante su temporada como Comisario di Distrito. Despues di e condecoracion aki a sigi diferente wega y marsnan pa entretene tur e personanan presente, kendenan a disfruta ampliamente di e anochi aki.



Diasabra atardi bao di enorme espectativa tabatin e apertura oficial di e negoshi di mas moderno na Oranjestad, "Whitfield's dress Shop". E establecimiento aki ta situa den calla principal di Oranjestad, net enfrente di Aruba Trading, y ta especialisa den trahe di primerisima calidad pa damas y caballeros. Tambe ta obtenible den e establecimiento aki prendanan preciosa. E foto ta mustra momento cu Su Excelencia gezaghebber O.S. Henriquez a corta e cinta pa duna pase na clientenan pa e interior di e negoshi.



Un bista riba e parti exterior di e negoshi nobo cu a habri diasabra atardi. Nos ta den Oranjestad, "Whitfield's Dress Shop".

PERISCOPIO MUNDIAL

Hefe di estado major Israeli a pronostica derrota major pa Arabenan

JERUSALEM- E hefe di estado mayor Israeli, General Yitzhak Rabin, a declara den un entrevista cu prensa qu si Republica Arabe Unida risca di cuminsa un guerra mas "nan lo sufri un derrota mas grandi qu den e reciente guerra di seis dia. Rabin a declara qu te awor aki Union Sovietica a interveni na fabor di e causa Arabe solamente cu apoyo politico y cu arma.

Explorer norteamericano ta den orbita perfecto rond di luna

CABO KENNEDY- Un impulso di 23 seconde den un di su motornan, awe a pone Explorer den orbita perfecto rond di luna y mesora e aparato a cuminsa manda informacion tocante e radiacion y polbu cosmico di espacio pa terra. E informacion aki ta di vital importancia pa cientificonan por determina si e por tin efectonan desfavorable riba astronautanan.

Corant sovietico a acusa alto funcionarionan di tur sorto di cos

MOSCU--Un corant Sovietica, Konsomolskaya Pravda, ta scirbi awe den qu nan a descubri qu na Merca tin un organismohaltucuta ser encabesá pa e Secretario di Estado Norteamericano Dean Rusk y esun di Defensa, Robert McNamara pa coordina e tarea di 226 grupo antisovietico rond mundu.

Segun e corant, e organismo en cuestion tin qu duna presidente Lyndon Johnson cuenta directamente. Nan ta usa "mentira, provocacion, hipocresia y chantahe" pa logra nan obhetivo, segun e corant.

Izquierdistanan detene na Mexico a desmenti nan declaracionnan anterior

MEXICO--E diestres izquierdistanan qu a ser acusá di a prepara un movimiento di guerrilla contra gobierno Mexicano cu apoyo di China Comunista, a repudianan confesionnan y na nan turno a acusa e Agentenan di gobierno federal di a dal nan y di a menaza di mata nan. Ora cu nan a hiba nan dilanti di un hues federal caminda nan mester a contesta e preguntanan qu a ser formula contra nan, e hefe di e grupo a lesa un declaracion caminda el a bisa qu nan a ser obliga di firma confesionnan.

General Odd Bull lo regresa Jerusalem awe

EL CAIRO- E hefe di e organizacion qu tin qu vigila pa mantencion di e tregua den Medio Oriente, general ODD Bull, awe lo regresa Jerusalem despues di a yega na un acuerdo completo cu e funcionarionan egipcio, riba e procedimientonan di observacion pa stop cu e bringamentu. E vocero di Nacionnan Uni, Albert Grand, a duna e informacion pero no a duna detaye tocante di e acuerdo.

Tropanan norteamericano a mata 382 comunista den tres batalla grandi

Tropanan norteamericano, en combinacion cu soldanan Sudvietnanes y Sudcoreano a mata por lo menos 382 comunista durante tres combate grandi cu tabata marca e fin di combatenan grandi durante di verano. Segun e vocero militar cu a duna e informacion, etres ataquenan cu a ser lansá door di e tropanan aliado a coge e enemigu pa sorpresa, mientras cu e perdidanan di e atacantenan tabata relativamente poco a pesar di ferocidad di e lucha.

Ehercito di Vietnam del Sur lo ser aumenta cu 50.000 solda

CATLAI--Vietnam -- E promer minister Nguyen Cao Ky a manifesta ayera cu e ehercito di Vietnam del Sur lo ser aumenta pronto cu 50.000 solda y na mesun tempu el a revela cu su comando militar lo ser completamente reorganisa. El a declara cu e aumento aki ta representa un total di ocho por ciento cu lo ser logra den algun luna di tempu.

GRATIS-sin paga nada-GRATIS

Dole



goblin

Cu 50 etiket di DOLE Bo por haya un rifa GRATIS di 2 bicicleta y hopi premios CASH.

Of bo por haya cu 50 etiket 4 bunita beker di Plastico.

Cu solamente 25 puntos (cada liber ta un punto) di harifa Gold Medal bo por haya 1 dozijn di bunita glas di bebe awa.

Pa 12 etiket di GOBLIN 4 bunita glas di bebe awa of pa 6 etiket di Goblin 3 juguetes cu cos dushi.

Usa productonan bon. Spaar etiket pa regalonan completamente gratis na: **ARENDS AGENCIES** Wilhelminastraat 12, Tel. 1478.



Fotografonan cu tabata na aeropuerto John F. Kennedy di New York, tabata sperando yegada di e Congresista Adam Clayton Powell ora cu nan a mira su jiu, Adam Clayton Powell III baha for di e avion procedente di Miami.

Comoquiera cue tata no a yega, nan a dicidi di saca un potret di e jiu, quende aki ta ser ricibi door di abogado di su tata, Henry Williams --UPI Radiophoto --



Aki nos ta mira e "head table" di robes pa drechi Gezagebber interino señor W.G. de Haseth, Windsor Booth di National Geographic Magazine, Kenneth Koyen, vice presidente di Infoplan, vice minister president C.D. Kroon y consul general di Merca, señor Harris Huston.

DIA PA DIA



MAS GUSTA

PA MAS

ANTILLANO

HOROSCOPO

ARIES- mar. 21 a abril 19--Un dia ideal para descubrir lo que lo ha tenido intrigado tanto tiempo. Un asociado puede que no coopere. Tenga paciencia.
TAURO- abril 20 a mayo 20--Cerciórese de no ir por encima de sus superiores. Trate de juntar todas las piezas del rompecabezas. Usted resolverá el jeroglífico.
GEMINIS- mayo 21 a jun. 20--Haga planes para ejecutar sus obligaciones eficientemente. No interrumpa a sus compañeros o tendrá problemas. Trabaje solo.
CANCER- jun. 21 a jul. 22--Haga planes temprano para lo que desea lograr. El éxito o el fracaso dependerán mucho de sus decisiones. Mejore su salud. Sea razonable.

LEO- jul. 23 agto. 22--Apártese de aquellos que quieren que gaste extravagantemente. Trate de estimular a sus amistades. Eso significa mucho para el futuro.

VIRGO- agto. 23 a sept. 22--No se exagere por algo que usted no puede hacer nada para remediar. Ocupese de empresas interesantes. Esté alerta a las oportunidades.

LIBRA- sept. 23 a oct. 22--Tendrá que ser muy práctico si desea lograr resultado favorable en sus actividades. No sueñe despierto. Ahora es el momento de acción.

ESCORPION- oct. 23 a nov. 21--Cerciórese de los hechos. No sea exigente con uno que puede ayudarle. Sus compañeros están dispuestos a cooperar.

SAGITARIO- nov. 22 a dic. 21--Averigüe diplomáticamente cuál es su posición en la comunidad. Cerciórese de los detalles. Evite a personas que hablen demasiado.

CAPRICORNIO- dic. 22 a ene. 19--Tómese el tiempo necesario para entretener a uno que ha sido muy bueno con usted. Salgan socialmente.

ACUARIO- ene. 20 a feb. 18--Observe todas las reglas aplicables a usted. No irrite a un superior. Se presentan muchas oportunidades favorables. Aprovechélas!

PISCIS- feb. 19 a mar. 20--Usted tiene algunas ideas maravillosas. Síguelas hasta su realización. Escuche el consejo de un experto. Avanzará fácilmente.

PAGINA DEPORTIVA

PRESENTA

PA:



Octavo triunfo pa Sam Jacobs contra di Zenith

...HEINEKENS A GANA 7-2

(Di Nos Redactor Deportivo)

SAN NICOLAS - Su victoria number ocho sin derrota contra e estelar lanzador derecho Sam Jacobs di Heinekens a obtene diaviera anochi derrotando e equipo di Zenith cu anotacion di 7 carrera pa 2. Cu e record aki ya Sam tin segura e titulo di pitcher campeon di e temporada y el a hiba su equipo un paso mas cerca di conquista di e titulo di campeon di Aruba.

Di e ocho triunfonan aribanomber di Sam, cinco tabata pa e via di blanqueo. Otro cifra formidable di Sam ta e cantidad di ponche cu el a reparti e anochi ey. Un total do 20, loke a hisa su total den e temporada te na 102.

Unico hungador emplea door di Zenith cu no a saborea unponche tabata Max Gumbs, cu a drenta den e segundo inning y a rolaea dos blaha pa tercera y sali otro blaha cu foulfly den man di e receptor cervicero. E enemigo di mas grandi cu Sam tabata tin tabata Luis Salomon, kende despues di come ponche den su dos promer turnonan a conecta tres hit sigi entre cualnan un bestial homerun cu a pasa over di e waya halto den centerfield di Lago Sport Park. Por cierto di e cinco hitnan di Zenith tres tabata di Salomon.

Ya cu su promer turno na bate cerrando e inning inicial, Heinekens a bai adilanti cu un carrera. Sylvain Paul a habri ricibiendo cuater bola malo cerca pitcher Nicolaas Caraballo. Despues di adelanta ariba hit di Jose Robles, Paul ta ser empuha cu roller di Gibbs pa primera base. Zenith ta empata e score den promer mitad di inning number dos. Henriette a ricibi base por bola. Hit di Milton ta permiti adelanta. Base por bola pa Duinkerker ta yena e basenan, pero Tromp ta comeponche pa promer out. Caraballo ta sali cu fly pa rightfield y ta sigi mal tiro pa cuadro cu a permiti Henriette anota e carrera di empata.

Landrie a habri e cuarto turno na bate di Heinekens cu base por bola. Error di shortstop ariba roller di Martinburgh ta permiti esaki embasa. Cu passball e dos corredornan ta embasa y luego Landrie ta score empuha door di un hit pa centerfield conecta door di Sam Jacobs. Cu roller di Paul pa tercera, Martinburgh ta trata di anota pero ta bira promer out di e inning yegando Paul safe pa fliederschoice. Un fuerte batazo di Jose Robles den rightfield tabata bon pa tribey y pa empuha tanto Sam Jacobs como Sylvain Paul, loke a pone e score na 4-1 pa Heinekens.

Cerrando e sexto e cervicero nan ta anota dos blahamas. Hala bi cu a drenta e inning anterior na luga di Martinburgh a sali cu fly den left, pero Sam Jacobs ta embasa cu otro error den cuadro di Zenith. Paul ta conecta di single pa pone dos na base. Despues cu Jose Robles a poncha, Stanley Ellis ta responde cu hit den left empuhando Jacobs. Ariba error di tercera base cu un batazo di Bryan, Paul tambe ta anota.

E siguiente cambio den e score ta wordu haci door di Heinekens y den e semptimo inning.

Landrie despues di un outta embasa pa hit y avansando ariba diferente hugada, e ta anota luego cu un wildpitch.

Ultima carrera di Zenith y di e partido a wordu produci den inning number nueve. Caraballo a habri e inning comiendo ponche. Luego cu conteo di dos bola y un strike, Luis Salomon a conecta bestial batazo cu a sali stadion over di e waya halto den centerfield. Un batazo cu sigur a midi mas di 360 pia. Pero pa ca-

ba cu cualkier duda Sam a dicidi di poncha e ultimo dos batidornan di Zenith.

Score final di e encuentro a bira 7-2 pa Heinekens cu tabata tin ocho hit y cuater error. Zenith a conecta cinco y a pifia 7 blaha.

Pitcher ganador tabata Sam Jacobs, perdedor Nicolaas Caraballo.

Cu e bate a luci pa Zenith Luis Salomon cu tres hit den cinco turno y pa Heinekens a luci P. Landrie cu dos hit den cuater turno.

Estrella Ozama di Rep. Dominicana lo bin Aruba

(Di Nos Redactor Deportivo)

ORANJESTAD - Diaviera awor ta ser spera na Aruba, e equipo di baseball amateur AA Estrella Ozama procedente for di Republica Dominicana. E equipo aki lo hunga un serie di tres wega na nos isla contra di tres diferente combinacion. E mesanochi di su yegada e visitantenan lo enfrenta den Lago Sport Park un

combinacion di Heinekens y Zenith. Su siguiente anochi ariba e mes tereno e dominicanonan lo topa cu un combinacion di Little Rock y Esso. Partido number tres lo ta diadomingo, dia 30 di juli den oranan di mainta den Wilhelmstadion contra di e combinacion Marlboro y Winston. E hungadornan di e seis equiponan aki pa e weganan den cual nan no ta hunga ta paga mitar di e prijs di entrada.

Lo viaha pa Republica Dominicana cu e mes avion cu ta trece e dominicanonan, e equipo di baseball infantil O So Grape. E equipito arubano aki lo viaha algun siman pasa durante e Olimpiada ASU pa Caracas, pero e intercambio deportivo cu Venezuela no a realisa y e chikittinan mester a keda desapunta. Awor, atrobe cu auspicio di Aruba Bottling Company e equipito lo viaha pa e Republica Dominicana.



Diasabra atardi a presenta problemanan tecnico cu un vehiculo net na e subida di caminda grandi pasando e brug na Spaans Lagoen corriendo den direccion pa San Nicolas. E chauffeur di e vehiculo aki a pusha e auto contra di caminda y a bai busca un mecanico pa bin drecha e vehiculo pele. A resulta sin embargo cu e no por a localisa un mecanico cu por a drecha e auto p'e e momentonan ey y ela dicidi na larga e vehiculo para, cu e intencion pa bin buskele den oranan di mainta. Diadomingo mainta un otro vehiculo a core dal contra di e auto en cuestion cu e consecuencia cu esaki subi riba algun baranca di piedra cu tini contra di caminda y a sufri bastante dano material. E foto mas ariba ta muestra e vehiculo cu tabata para cantu di caminda y e segundo foto ta muestra e vehiculo cu a core bin dal contra di dje.

E foto mas abao ta muestra un vehiculo cu tini para cantu di caminda un poco mas pariba cu e caminda cu e accidente a ocurri diadomingo mainta. E vehiculo aki ya tin bastante tempu para aki. Segun nos por a observa e tin problemanan tecnico na su wiel robez parti patras. E vehiculo ta para den un lorada por cierto bastante peligroso y ya diferente automobilista a formula e pregunta ta ki dia su doño ta bin kitele for di aki. Nos ta kere cu awor cu e doño a observa kiko a pasa cu e vehiculo cu tin riba e foto mas ariba, lo e hasi su maximo esfuerço pa kita su auto tan pronto cu ta posibel pa no pasa cu nele mescos cu a ocurri cu e vehiculo mas ariba.

CUMPRADOR DI ORO HORTA DILANTHI HUEZ

ORANJESTAD - E acusado M.V.A. tambe a presenta dilanti juez diaviera mainta. E ta wordo acusa di a cumpra un bara di oro horta for di su compatriota A.S.d.S. E acusado aki ta bisa cu e no tabata sabi cu e oro ta cos horta. Ela kere cu ta oro cu a drenta Corsow di contrabanda y cu su compatriota tabata trata na bende esaki pa un of otro amigu na Corsow. E acusado aki a paga un total di fls. 2500.- pa e bara di oro aki. Riba su karchi di castigo tin solamente algun violacion di reglanan di trafico. Fiscal, Sr. S.H. Tjong Ajong a puntulisa cu e homber aki mes- ter tabata sabi cu e oro aki tabata horta. Si e no a tende hende pa-

pia e por a lesa corant y cu si e no a lesa corant e mester atende via radio cu nan a perde un cargamento di oro na aeropuerto. Fiscal a pidi un castigo di dos siman sera condicionalmente c' un tempu di prueba di dos aña pa e acusado aki y pa debilbe e bara di oro na su doño. Abogado mr. H.S. Croes, defendiendo e acusado aki, a muestra riba e punto cu e homber aki no ta locual por worde jama un homber hopi sabi. E ta doño di un negoshi basta redable, pero esaki ta worde maneha major parti pa su ruman. Cu e homber aki no ta asina un sabi ta keda demostra tambe for di e cantidad di violacionnan di trafico cu el a cometi y cu ta para riba su carchi di castigo. Otro punto cu abogado Croes a trece dilanti ta cu su cliente no tabata sabi ningun momento cu e oro tabata oro horta,

ela kere cu ta oro cu a drenta Aruba di contrabanda, y ta pidi clemencia pa su cliente.

Huez mr. C.A. Brandenburg, inmediatamente despues a dicta su sentencia. E acusado ta worde considera culpable y ta worde castiga conforme e castigo pidi pa fiscal.

MILWAUKEE, Wisconsin, --UPL-Den octavonan di final di e torneo di tennis den cancha di cement Ronald Barnes di Brasil a derrota e norteamericano Nalley Brown cu score di seis-cuater y seis-cuater; Arthur Ashe di Estados Unidos a derrota e chileno Patricio Rodriguez seis-cuater y seis-dos. E canadiense Mike Belkin a vence e mexicano Marcelo Lara seis-dos y seis-dos.

Arubaansche Courant lo ser incorporá den La Prensa

Pa medio di esaki nos kier a participa na nos lectoran, en general pero en particular esunnan di Aruba, cu cuminsando dia promer di Agosto proximo, e diario Arubaanse Courant lo stop di ser publicá, den su forma actual y lo ser incorpora den La Prensa.

For di e fecha en cuestion, nos lectoran na Aruba lo hafa nan corant muchu mas trempa qu tabata e casi anteriormente, ya qu nan lo hafa nan corant for di aña di, mescos qu e lectoran na Cg-sow.

Ademas di esei, esaki lo tini como resultado qu un enfoque muchu mas efectivo ta ser lográ di tur informacion local na Aruba, ademas di qu e lectoran na Aruba lo por disfrutá di un diario cu muchu mas tantu pagina. Nos ta spera di por sigui conta cu e abona-donan qu den pasado tabata abona riba Arubaanse Courant, awor qu e ta bai ser incorporá den La Prensa.

Mexico por hiba protesta contra China Comunista den Nacionnan Uni

MEXICO--UPI--Mexico por protesta na Nacionnan Uni pa e presunto apoyo di China Comunista na un conspiracion pa lansa un campanja di guerilla Comunista na e pais aki.

"Mexico ta masha celoso di su soberania y ta existi e posibilidad cu e por hiba e asunto dilanti di Nacionnan Uni, e portavoz a manifesta.

"Ainda ningun decision firme no a ser tumá".

President ta studiando e caso ainda y e investigacion di e complot ta continua.

Nos no tin custumber di haci acusacionnan cu nos no por proba y e president ta spera te cu caba di studia tur e informacion, promer cu tuma un decision.

"Nos no por protesta directamente na e gobierno popular di China, como nos no tin relacionnan diplomatico cuné.

Pero un protesta na Nacionnan Uni no ta improbabil "ela anjádí. Agentenan di gobierno federal, dia razon a revela aresto di 13 Izquierdista, cual ta seracusá di ta

preparando un guerra di guerilla contra e gobierno Mexicano, cu asesoro y judansa financiero di 1.600 dollar mensual for di China Comunista.

Jefe di e grupo Javier Fuentes Gutierrez a huy bai Pekin, usando un paspoort cu nomber falso, Julio Sanchez, sub-procurador General di e republica a bisa.

Un funcionario haltu di gobierno a manifesta cu realmente e grupo no tabata importante, alrespecto di e peliger cu nan ta nifica pa gobierno.

Pero ta un indicacion mas cunos ta alerta pa tal intento y cu ningun hende a mara panja riba nos wowo.

E participacion di e arestonan cu a ser haci pa gobierno ta indica cu e banda tabatin coneccion cu otro grupu Izquierdista na henter e pais y contacto cu gobierno Cubano.

E 13 conspiradornan supuesto a presenta pa haci declaracion dilanti hues federal na e ciudad aki, awe mainta 10' or.

ABONA
ARUBAANSE
COURANT

Ann Landers

Querida Ann Landers :
Na unda e cos aki ta bai para ? Ayera mi esposo a ricibi un carta insultante di un pacus caminda nos tin cuenta. Mi ta hanja cu ta absurdo pa un lugar di comercio haci tanto extremo pa colecta placa di un cuenta. Promer largami contabo cu nos ta hende respetá y nos ta purba paga nos debenan na tempu. Once in a while, nos ta atrasá, pero nunca nos a keda cu ningun debe sin cancelé. Ataki un carta cu nos a ricibi : Querido Senor : Nos bukinan ta muestra cu bo tin un cuenta habri pa mas cu un anja. Cu respet nos ke cordabo cu nos a cargabo mas cu bo mama a cargabo. Masha danki pa bo atencion inmediato. Bo no ta hanja esaki un cos horibel ? -- Desgustá.

Querida Desgustá :
Sorry, pero bo mes no ta hanja cu un anja ta mas de la cuenta. Y no ta bunita pa critica un comerciante cu ta purba colecta su mes placa.

Querida Ann Landers :
Carta di e mucha muher cu a kere cu e ta na estado y despues a descubri cu no ta asina, por tabata di mi mes. Ora mi a conta mi joncuman cu mi ta na estado, ela saca su hunja. E promer cos cu ela purba haci tabata tira tur falta riba otro hende, siendo e sa cu e tabata e promer y unico joncuman serio dimi. Djey, ela rabia, jamami "bobo" y cu ta pa malu ma sall na estado pa atrape den casamentu. Su di tres acto mi no ta lubida nunca mas. Ela sugeripami conta mi hendenan cu ta un hende strango a violami, pasobra e si tabata bai nenga tur cos. Dos dia despues m'a descubri cu mi no tabata na estado after all, y m'a ponele na altura cu un carta. Su sigulente dia, e tabata tey present, cla pa cuminsa di nobo. M'a bisele cu nunca mas mi ke mirele, loke tabata e "understatement of the year". E susto ey tabata e mehor cos cu a pasami, Ann. Ela dunami un segundo chens, cu no ta tur mu-

cha muher ta hanja, y keremi, mi ta GRADICI --

Querida Gradici :
Danki pa senjala e cos aki asina cla y mi ta spera cu e otro mucha muhernan cu ta pensa cu nan "dushi" lo no bandona nan den nan ora di mester, lo hanja un bonles, y lanta for di sonjo.

Querida Ann Landers :

Fabor, publica e carta aki den bo columnanan, pasobra mi mama y tata tur dos ta lesa bo columna y ta gusta usa su voorbeeld na masha. Tin siete mucha den nos familia. Mi ta un mucha homber di 13 anja y tin cinco ruman muher, tur cuta mas jong cumi. Mi ruman homber chikitu tin 3 anja. E mucha muhernan (di 5 pa 11 anja) ta sluip mi ke ora cu nan ke y dal mi sin motibu. Si mi bisa mi hendenan, nan ta bisa "no worry cu e cos ey, bo ta mayor." Bo por bisami di con pasobra mi ta mayor, nan tin mag di dal mi ki ora cu nan hanja ta bon ? Mi tin poco amigu cu e mes problema aki. Contesta pa nos tur Bont en Blauw.--

Querido Bont en Blauw :
Mi ta hanja masha hopi carta di mucha cu ta bisa, nan ruman ta dal nan por nada. Semper tin un motibu. Kizas no un motibu masha bon. Pero toch un motibu. Pero si bo ruman muhernan pest bo muchu y abusa di bo gentilesa, sin embargo, bo mama y tata mester interviene y straf nan. Aparentemente bo hendenan ta lantabo, di tal manera pa bo sa cu hende homber no tin mag di dal hende muher y nan ta merece elogio pa esaki.

Querida Ann Landers :

Socorro! Socorro!
Mi ta un mucha homber di 13 anja cu tin un ruman muher di 17 anja cu ta kere cu e ta mi mama. E ta zeur terriblemente den mi cabes, y e cos aki ta fadamicaba. Especialmente ora e zundrami den presencia di mi amigunan. Mi mama tambe gusta bisami kiko mi mester haci, pues ta di dos banda mi ta hanjele. Mi sa cu mi mester wanta e cosnan ey serca mi mama, pasobra ta su trabao esey ta den bida, pero bo ta kere cu mi mester hanja dobbel zeurmento den mi cabes. Mi ta warda bo respon-di cu urgencia .O.B.


Querido O.B. :
Bo no ta bisa pakiko bo ruman muher ta zeur den bo cabes, pero casi sigur ta pa e mes motibu pakiko bo mama ta zeur. Haci bo debenan na e promer zeur, y e ora ey, lo no mester bisabo nada mas.

Querida Ann Landers :
Pa e ultimo 15 anjanan mi tabata un executive masha ocupá. Mi no ta di acuerdo cu bo, cu ora un hende jama telefon e mester bisa e secretaria su nomber. Mi ta hanja e cos ey masha lal ora nan puntra "Ken ke papia cune", y mi a pone un regla cu mi no ta bisa mi nomber nunca. Ta un pregunta so ta mas iritante cu esun ey, loke ta "Over di kiko meneer ke papia". Mi ta contesta "Mi tin gana di sa kiko su intencion nan ta encuanto mi esposa." Esaki ta djies pa largabo sa, con nos hendenan mas timido ta handle e secretarianan "interesanten ey". -- Sacramento

Querido Sacramento :

Mi no ta comprende ki sorto di executive bo ta, e cos ey ta spaar tempu y jamamento backetc. Pero si bo nomber ta un secreto, aya tú.

Una bes cu bo bisa e cos ey, kiko bo ta usa pa un "encore" Mister ?



Pa: Dr. A.J. Samander

"Sonjo ta e solucion temporal pa tur nos problemanan".

Un homber tabata blo bira rond den cama sin qu e por a pega sonjo ora qu su casá finalmente, mitar na sonjo, a puntrele ta ki problema e tin.

"Mi amor", asina el a contesta, "Mi debe nos bisina Pedro poco placa y mi no por paguele". Su casá a lanta for di cama, habri subentana y a grita Pedro.

Mitar na soño Pedro a habri subentana y a puntra ta kiko tabata pasando.

Casá di nos amigu a contestele -- "Weta aki Pedro, mi casá debe bo placa y e no por paga bo. Bonnochi". Ora el a caba di bisa esaki, el a serra e bentana, hala pega banda di su casá y a bisele poco poco -- "Mi amor, awe nochí bo por drumi numa y laga Pedro keda lantá...."

Sonjo ta un topico complicá y sciencia tin qu hafa sa hopi cos ainda di dje. Tin patient qu ta keha constantemente qu nan no por drumi, dias tras di otro. En realidad nan ta drumi mas qu nan mes ta realisa. Tin biaha un patient ta bai drumi nervioso, e no por relax y naturalmente e ta lanta masha cansá mainta, pensando qu e no a drumi at all. Loque a sosode ta qu el a drumi masha malu.

Un ser humano ta pasa un tercera parti di su bida na soño, algun hende ta drumi mas tantu ainda.

Dr. Nathaniel Kleiman di Universidad di Chicago a investiga sonjo mas tantu qu cualquier otro hende na bida.

E ta bisa qu ningun hende a yega di muri pa falta di soño, pero sí di preocupacion qu nan no por drumi. Durante Segunda Guerra mundial, un soldá Hungaro, Paul Kern, a hafa un bala den su frente.

El a recupera di e herida pero despues di esei no por a pega sonjo mas. Dokternan a kere qu e ta bai muri. Nan a trata di dunele pildoranan calmante, droga, hasta nan a trata di hipnotisele pero nada di esaki no a yuda.

El a hafa un trabao despues, y ora e tabata cansá, e tabata djies serra su wowo y sosega. El a sigui biba durante hopi aña.

Algun hende tin mester di mas soño qu otro hendenan. Mayoria di nos no ta drumi facilmente si tin un cos serio ta preocupa nos, por ehempel si e siguiente dia bo tin qu hasi un operacion, e anochi promer qu eleccion of e anochi promer qu bo casa.

E cos aki ta completamente normal, pero tin hende qu simplemente no por pega sonjo facilmente; nan ta bira y bira rond den cama y finalmente ora nan pega sonjo, nan ta lanta algun ora despues y no ta pega sonjo atrobe sino mainta trempa, ora qu ta ora di bai trabao.

Tin un cos ta molestia nan pero nan no sa y ta pesel ta imposibel pa nan bisa un dokter.

E hendenan aki ta ruiná pa nerviosidad y nan problema ta mas bien ansiedad qu insomnia.

E cos mas importante pa un hende por drumi anochi, ta un sentimiento di seguridad. Un homber qu a caba di hafa un promocion lo drumi muchu mas liher y mihor qu un homber qu a perde su trabao.

E siguiente condicion ta qu bo mester ta cansá.

Un homber qu a traha duru henter dia lo pega sonjo muchu mas liher qu un hende qu a drei rond den cas henter dia. Pildoranan pa drumi ta solamente un solucion temporal pa insomnia y no mester bira un custumber, nan mester ser usá riba prescripcion di dokter y no riba recomendacion di un bon amigu qu bo ta confia.

Ta mas facil pa crea un custumber qu pa kibra cune.

Si bo no por drumi un anochi, no preocupa, bo ta drumi e siguiente anochi, y si atrobe bo keda sin drumi, lo bo drumi sigur e siguiente anochi.

E tempu mas largu qu un hende a keda lantá tabata mas o menos 90 ora y e mester a usa pildora pa keda lantá y experiencia kiko e tabata sinti. Na principio di e di cuater dia, el a cuminsa mira un cos pa otro y despues el a pega soño asina duru qu e no a lanta sino te ora qu su curpa tabata bon descansá. Di manera qu si bo no por drumi, no preocupa ; lo mas tantu qu bo por keda lantá ta cuater dia; loque bo tin qu preocupa pe ta pa bo no pega soño na trabao...

BERRY'S WORLD



© 1967 by NEA, Inc.

"You could be a really GREAT poet, if you would get rid of your mental block against OBSCENITY!"

Caracas celebrando su cuatricentenario

CARACAS- UPI - Un serie di actos nan cu lo culmina diadomingo 30, Caracas ta celebrando 400 anja di su fundacion, cu ta dia 25 di Juli 1567, pa e conquistador Spanio Diego de Losada, quende a noma "Santiago de Leon de Caracas."

Nan no conoce cu siguridad e fecha cu e capital Venezolano a ser fundá, como ta establese esun cu pa hopi tempu a ocupa e cargo di cronista dje ciudad, Enrique Bernardo Nunez, cu a bisa den un di su obranan: "No ta parce cu tinda cu e fecha di fundacion di Caracas ta anja 1567. Si conta e lunanan y anja anto nos ta yega 25 di Juli y algun presuncionnan ta bini pa favorece e fecha."

Pero apesar dje dudanan respecto e luna y e fecha fiho dje

fundacion "La Sultana de Avila" bao di cual nomber tambe Caracas ta conoci como el a lanta na falda nan dje famoso cerru, ke recorda awor su cuarto siglo di existencia, un dje ciudadnan di mas hoben di America. E Caracas di fin di siglo pasa, imagen fiel di loke tabata un ciudad apacible, a cede dilanti dje empuje di era moderna y awor e ta presenta cada bez y na un manera mas amplia su avenida y edificacion, como muestra di e loke terra por produci ta bai mas y mas dilanti y ta peseytin di probecha di nan te na maximo.

Sin embargo e Caraquenjonan no ke bira dobbel contra e mal custumbernan cu ta impone e urbanen grandi y ta pretende na continua caracterizando pa su con-

testa y camaraderia, carinjo na esnan cu nan bishita, tantu di interior como di exterior, ta aprecia Caracas pa loke e ta: un ciudad cu no ta ignora na quende cu ta resida den dje. Como pa pone su mes igual cu ciudadnan mas progresista Caracas a remoza di piante cabez. Ta pa e motibu ey fachadanan di su edificio - y casnan ta luci manera nobo y ta duna un impresion grata na esnan cu bishite.

Ademas gobierno di president Raul Leoni ta ehecutando obranan cu lo ser inaugura den curso di anja cu motibu dje cuatricentenario di Caracas, na un costo superior na 1,200,000 (490 million dollar) un octavo parte di e presupuesto fiscal venezolano den e presente eheicio.

Un acueducto nobo, scolnan, liceonnan, parquen deportivo, centronan cultural, autopista y kizas un di esnan di mas importante, canalizacion dje riu Guaire na cual margennan e ciudad a ser lantá, pa cu e no sigui ser utilizá como colector natural di awanan negra.

E obranan fundamental, algundi nan ya Caraquenjonan ta disfrutando di dje, a agrega na e actonan mencioná, previsto pa e siman cuatricentenario, entre esnan cu ta destaca e reinanguracion di su teatro municipal construi na 1800.

E gran romeria folklorica cu lo ser presentá Diadomingo den e importante avenida urdaneta

cu participacion di 15 mil persona reinaguracion dje catedral Centenaria y tiramentu di vuurwerk cu un salva di 400 cajonazo.

Y como un acto amistoso, e municipalidad di Caracas a invita e alcaldenan di tur capitalnan Bolivariana, huntu cu e 170 presidentenan di distrito venezolano pa nan cu ta suma e actonan, na esnan cu tambe ta asisti na e personalidad europea y norteamericana. Pa realiza e festividadnan 400 anja di Santiago di Leon di Caracas, nan a establece un fin di siman (weekend) largu foi awe diasabra 22 te culmina diamars dia 25 di Juli. Es decir cuater dia completo durante cualnan e principal actividadnan lo ser recordá e cuater siglonan dje capital venezolano.

Egipto ta reorganizando pa pone su economia riba pia

EL CAIRO- UPI --Ta parce como si fuera Egipto tabata listo ayera pa reorganiza su economia convulsiona pa e guerra den suposicion di cu e vital canal di Suez, cu ta proporcione ingresos mensual di millones dolar, lo keda cerra pa un termino di cinco luna mas.

E planificadornan nacional ta conta cu Egipto lo tin un ganashi alrededor di 130 million pound Egiptia (299 million dollar) na divisa, den e semestre cu ta ter-

mina dia 31 di december proximo.

Esaqui ta representa un promedio di ingreso di divisa den seis luna loke normalmente e ta obteni dje canal di Suez, cual, segun opinion dje expertonan, mester tabata un entrada di 125 million dollar.

E canal a ser cerra dia 6 di Juni pasa despues cu Egipto a denuncia e plannan Israelis di bloquea esaki, hundiendo e barcunan cu lo atravesaba e canal.

Gobierno di Republica Arabe Unida (RAU) a declara cu e via ey lo keda cerra tur etempu cu e Israelisnan ta permanece na orilla oriental dje canal.

E presupuesto dje divisanasina reduci lo ser presenta awe na gabinete huntucue presupuesto nacional pa 1967/68. Segun fuentenan autoriza, a ser reduci drasticamente e gastunan civil dje gobierno.

Nan no a haci ningun comentario respecto e gastunan militar, pero e observadornan ta quere cu nan lo aumenta esquinan, mientras cu e trupanan Israelis ta continua den territorionan ocupa. Pero e cifernan no a ser revela en absoluto.

En espera dje decisionnan oficial no sa ta cual ta e diferencia denter dje presupuesto nobo y esun anterior cu tabata di 2,760 million dollar, pero e agencia noticiosa di medio oriente (MENA) ta quere cu lo e ser equilibra.

E noticianan riba e presupuesto a ser duna poco despues cu president Gamal Abdel Nasser a nombra e tercer ministro di guerra, desde cu a estalla e lucha Arabe-Israeli. Amin Huweydi, un antiguo colaborador di confianza di Nasser, ta constitui awor den e cartera di Andul Wahad Elbishi, quende ta conserva e cartera di produccion militar.

Nasser no a asisti ayera na e plegaria den e milenaria Mezqu

ta di Alzhar, manera el a haci siman pasa cu tres colega arabe, pero e predicadornan den e templo ei y den otronan di enter Egipto ta insisti den e templo ei y den otronan di enter Egipto ta insisti den e tema di "guerra santa", di acuerdo cu e practica estableci prome cu e hostilidadnan a tuma luga luna pasa.

Mientras tantu el a informa cu general Odd Bull, jefe dje organismo di vigilancia dje tregua na

palestina di Nacionnan Uni (UNTSO) y e autoridatnan Egipcias a yega na un acuerdo completo riba e actividadnan dje observadornan na enter largura dje canal di Suez.

E portavoz di UNTSO Albert Grand a informa cu e incorporacion di tres of cuater observadornan Finlandes na e grupo di siete na lado di Egipto dje canal, pa ayera, a ser aplaza te awe sperando yegada di seis Birmano durante fin di siman.

OPINION DI EISENHOWER RIBA GUERRA NA VIETNAM

WASHINGTON--UPI--E expresidente Dwight Eisenhower ta di opinion cu e guerra na Vietnam no por ser gana den e actual forma cu e ta tumando luga y cu ya a yega tempu pa congreso decide si ta procede declara guerra na Vietnam del Norte.

Opinion di Eisenhower den tal sentido a aparece den e numero di awe dje carta semanalmente publica pa comision di campanja republicana pa e campanja republicana pa e congreso.


Den e carta Eisenhower ta bisa: "Cu 450,000 soldado di Estados Unidos na Vietnam ya ta tempu cu congreso mester a decidí di declara guerra na Vietnam del Norte."

"Aunke cu e congreso lo por a

decidí cu e declaracion di apoyo cu el a duna president Johnson ta suficiente, e kestion di declaracion di guerra por lo menos mester ser presenta na congreso pa esaki decidí.

En relacion cu e estrategia cu ta ser sigui na Vietnam Eisenhower a bisa: "Ora cu ta necesario na requiri na fuerza en respaldo di un objetivo nacional... no ta existi autoridad mas altu cu na esun cu por apela. Por consiguiente ta necesario di gana y pa gana tin necesidad di tur poder disponible y mester haci uso tambe di esey rapidamente y secretamente, pa logra e sorpresa."

"No ta posible gana un guerra gradualmente."



Na Caracas recientemente polisnan riba cabal a cuminsa patrulla den caya pero aparentemente e abaninan no e custumbra cu e sistema di corre auto di Caraquenjan. Aki un automobilista a lastra un racha tras di un polis riba caya y resultado tabata cu tantu polis como cabal a bai suela. --UPI Radio-

Basil Rathbone a muri ayera

E actor cinematografico Basil Rathbone, afamá pa su interpretacionnan di "Sherlock Holmes", e heroe di Arthur Conan Doyle, a muri ayera di un atake di curazon den su apartamento di Manhattan, na edad di 75 anja. Rathbone a casa na 1926 cu e escenografa Ouida Bergere, y luego el a adopta un yu muhe, Barbara Cynthia, cu a acompaña e actor ora cu el a produci e desceso.

E actor a nace na Transvaal sudafricano, na anja 1892 riba dia 13 di Juni. E tabata yu di un ingeniero y sobrino di un miembro di parlamento britanico, Rathbone, a ser hibá Inglaterra ora cu ainda e no tabatin ni un anja di bida. El a ricibi su educacion den Repton College.

Na 1912 el a drenta e grupo Shakesperiano di Frank Benson, cumpliendo un gira di dos anja cu e compania door di enter Inglaterra, Europa y Estados Unidos, haciendo 42 papel den 22 obra di Bardo de Avon. Solamente el a bandona e conjunto pa e bai drenta eheicio britanico pa bringa den e guerra mundial I di 1914, yegando na grado di kapiteln y a obtene e cruz militar.

Ora cu guerra a termina Rathbone a actua den e escenarionan di Londres y Broadway cu singular exito. Luego el a ser atraete na Cine y radio, hasta el a culmina como gran figura di television.

Sin embargo su major popularidad el a obtene den pantalla siendo conoci den enter mundu como protagonista di "Ana Karenina", cu Greta Garbo, "Historia de dos ciudades", "David Copperfield" y "Los ultimos dia de Pompeya".

Na 1937 el a casa cu defunto Nigel Bruce pa filma e prome cinta basa den Sherlock Holmes den cual su co-protagonista a actua como doctor Watson. Na tal punto a yega su fama cu el a ricibi cartanan dirigi pa e detective clasico.

Su interpretacionnan di personajenan odiosos tabata asina perfecto cu e publico tabata sintie satisfecho ora cu e tabata herida of morto den un punjal o cosnan por estilo. Pero huntu cu su gloria y fama a aumenta tambe odio di esnan cu e tabata practicamente ridiculizando publicamente y pa diferente motibunan desagradable y na interes di su propio bida, el a hanje obliga di bandona Hollywood na anja 1940. Den e oportunidad aqui el a bisa lo siguiente:

"Hollywood a logra olandan di entusiasmo. Un cu a bira un exito rotundo tabata e actor di moda.... Te ora cu nan a bandone y a scohe un otro. Durante siete anja mi tabata e Sherlock Holmes y ningun hende no a pensa cu mi por a haci otro papelnan."

Mas despues el a filma na Inglaterra alguncinta di "Terror" pero nunca e teatro di Sheakspeare a laga di tabata su predilecto y semper tabata su favorito e papel protagonico di "Romeo y Julieta".

Eisenhower ta na fabor di tratado pa canal

WASHINGTON--UPI--Expresidente Dwight Eisenhower, expresidente di Estados Unidos a declara ayera su opinion favorable riba e tratado nobo di canal di Panama. Den e edicion di ayera dje carta semanal cu e comision di campanja republicana ta publica pa congreso Eisenhower ta expresa e siguiente opinion riba tal tratado.

"No mester trata di crea un tratado cu fin veniajenan pa ambos parti. Esun cu ta considerando esey por representa e mal arreglo cu nos por obtene"

RIP KIRBY

JAN BODEGOM & CO. (ARUBA N.V.)

Agente exclusivo

FRIESCHE VLAG lechi evapora y lechi en polvo.

MAXWELL HOUSE KOFFIE



BOTICA

Nachtdiensten: Oranjestad Bo
del Pueblo Tel: 1259-2154
San Nicolas Botica San
tel: 5119

DE VEER THEATER

Maandag 24 Juli:
DE VEER: 8.30 p.m.
"Arabesque" 18 j.
RIALTO: 8.00 p.m.
"Sierra" all
PRINCIPAL: 8.00 p.m.
"The Spy in lace panties" 6
AURORA: NO MOVIES
SAVANETA: 9.00 p.m.
"One Of Our Spies is missing"
18 j.

APERTURA DI W.G.
SANTA CRUZ

ORANJESTAD - E edificio nobo
di distrito di Wit-Gele Kruis A-
ruba na Santa Cruz lo worde ha-
bri oficialmente riba diasabra 23
di juli. E ora di apertura ta fil-
pa seis'or di atardi. E edificia
aki ta situa banda di Club Es-
trella.

COMERCIANTENAN
SERCA B.C.

ORANJESTAD - Diavien
mainta bestuurscollege di Aruba
a ricibi e directivanan di e aso-
ciacion di comercio e industri-
di Aruba y camara di comercio.
E conversacionnan a worde sos-
tene como un forma pa sera co-
nocci cu otro, caminda alavez ta
batin un intercambio di opinia
informal tocante di e diferen-
puntuonan relaciona cu economi-
y turismo na Aruba.
E conversacionnan a worde so-
tene den un ambiente agradabi-
y di ambos banda nan a primu
otro cooperacion.

"Ta duel mi Glenda", Roland
contesta. "Honradamente bisa
ta pasobra mi tin un dia difi-
tray lomba y awor..." Roland
keda keto y Glenda a compren-
cu Roland kier a bisa algo di
mama.

"Pero no ta nada, awor cu mi
papiando cu bo, mi ta sintimi
mihor, dushi. Claro cu bo tin
zon, ta un bon idea. Pero te
cuidao. No tuma ningun hende
e cas, sin bon referencia. Ta
unda bo a saca e muhe, den t
esey? Ken e ta, y ta di unda el
bin?"

"Ami.... lo mi contabo tur es-
ora mi mirabo atrobe Roland.
Mi tin di bay awor, no tumami
malo, cu mi no a corda pa pu-
trabo promé, pero con ta bay
bo mama?"

"E no ta sinti mucho bon", Ro-
land a contesta seco. "Pero
preocupabo cu esey, dushi. Si
haya chens mayan, pasa ser-
mi na e libreria, okay?"

"Claro, te mayan anto Roland
Roland a baha su vos ora el
bisa: "Mi ta stimabo dushi, m-
sha hopi mes".

Cu wowonan brillante y cu su
ra poco corrá, Glenda a cana-
bek den sala. Gladys Loren a
ga sonjo, asina tabata mustra
to. Pero despues cu Glenda a
da miré cu atencion, el a sinti
e muhe stranjo aki, no a per-
ningun palabra di loke é cu Ro-
land a papia na telefoon.

Gladys a custumbra masha
her den "E Nelshi". Despues
poco dia, ya tabata parce Glenda
cu e tin hopi dia caba bibando ju-
tu cu né. Tin blaha e ta pone Glenda
da Vilma rabia masha tanto
tin blaha e ta comporta su m-
manera un hende masha tranqui-
cu bon karakter. Glenda no sa k-
ko e ta gana cu né, pero toch e
sali bon cu né. El a bisa Roland
"Mi ta haya Gladys asina stran-
jo. E ta cambia den un rato. Ta
ora e ta masha bon y tin blaha
ta rabia masha lihé. Parce co-
e tin un bon trabou serca e com-
pania di pellicula. No cu e ta
artista, pero semper nan ta p-
su ayudo ora nan filma afó.

DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFFALO ROCK-GINGER ALE



P E P T A



"HUESPEDUNAN STRANJO"

Glenda a lanta para. Parce cu di
repente el a crece cinco centi-
meter mas.

"Senjorita Loren", el a bisa
lentamente. Si mi tabende e cas
of no, esey ta mi asunto y mi no
tin mester di bo conseho, ni esun
di bo bon agente. E unico motibo
cu mi a tumabo den e cas aki, ta
pa mi haya ayudo pa mantene e
cas. Esaki ta e promé cas cu mi
a jega di haya den mi bida. Bo por
wel di pensa cu mi ta loco. Esey
no ta importami, y ademas bo tin
bon compania, pasobra tin mas
hende cu ta pensa asina. Bo kier
keda akinan ainda?

"Cu mucho gusto", Gladys a
contesta moviendo su cabez.

"Mi ta keda. Bota un idiota sen-
timental y mi ta sali bon cu bo. Di
acuerdo?" Glenda a sonrei ali-
viá.

"Mi tambe ta sali cu bo", el a
contesta.

"Y mi ta di acuerdo. Si bo notin
nada contra, mi ta mostrabo e cas
aki, y despues mi ta bay jama mi
comprometido na telefoon".

"Ihor bo haci net al reves",
Gladys a contesta mesora. "Ja-
ma bo joncuman promé y mus-

trami e cas despues. Na e mo-
mento aki mi no tin mucho smaak
di cana rond. Semper ora mi be-
be té, mi ta bira poco floho, y
esey ta e unico momento cu mi
por pensa bon".

Glenda a sonrei y kier a bisa
algo, pero e impresion serio y
tristo riba Gladys su cara, a
poné cambia di idea. El a cana
bay den corredor y a lanta e
telefono.

"Tende un rato", Gladys a g-
rita for di den sala. "Si bo kier
haya mas huesped, kizas mi por
yudabo cu mas. Bisa bo joncu-
man cu bo ta hayando algo ma-
sha bon. Y Glenda, no lagué ha-
cibo cambia di idea. Tuma un
bon conseho di un muhe cu ta-
bata casá, y percurá pabo no laga
e homber dominabo".

"Mi no kier ta curioso, pero ki
mishibo sa, con mi jama?"

Glenda a puntra.

"Esey ata masa facil", Gladys
a contesta. "Mi a mira un potret
di bo akinan, y riba dje tin skirbi
Glenda. No ta difícil, bo'n ta
haya? Of bo tabata prefera pa mi
jamabo senjorita sin nomber?"

"No, claro cu no", Glenda a

contesta nervioso. "Asina ta
bon, mi ta kere", el a bisa na
un tono baho, pasobra ya caba el a
drey e number di Roland su tele-
foon. Como cu e tabata sigur cu
Gladys por tende loke e ta papia
cu Roland, el a dicidi di papia
riba riba. Roland a scucha keto
y despues cu el a cab'i papia,
el a bisa "Asina!" Glenda akeda
spera kiko mas Roland lo bisa.
El a sinti necesidad di un palabra
di consuelo, pa un hende bati riba
su schouder y bisé, cu el a haci
un bon trabao. El a morde riba
su lipnan, y a hari un poco obli-
gá. "Esey ta tur loke bo ta bi-
sa?" el a puntra. "Bo no ta con-
tento dushi? Senjorita Loren a
bisami, cu e por yudami haya
mas huesped, si mi kier. Mi a
kere cu esaki tabata e solucion
pa nos dificultadnan. Mi kier meen
esaki ta algo cu mi por bon, esta
culda hende...."

"Si, mi sa esey mi dushi", Ro-
land a contesta poco dudoso, "pe-
ro.... ya, si abo tuma un decision,
ya no vale la pena pa mi mostrabo
e problemanan mas, no t' asina?
Pero bo ta corda cu bo no por ha-
ci nada, sin cu e notario sa, ta

con jamé atrobe....?"

"Claro", Glenda a contesta,
maske e no a pensa riba notario
Reder. "Mayan mainta lo mi tu-
ma contacto cu né. Pero bo ta bin
serca mi un bes no Roland? Mi ta
sigur, cu esaki ta e mihor cos cu
mi por haci. Y ademas, esaki ta
nifica, cu mi por keda cu "E
Nelshi".

"Parce cu esey ta e unico cos
interesante pa bo", Roland a bisa
tristo.

"Keremi dushi, no ta mi inten-
cion pa tratabo descortés, pero
tin biaha mi ta sinti cu.... cu bo
ta sint mas pa e cas, cu pa mi.
Tende Glenda, imaginabo, cu algo
lo pasa, y cu door di esey ta po-
sibel pa nos casa pronto, lo bo
bandona e cas?"

"Claro cu si", Glenda a con-
testa. "Pero Roland, ta con bo por
puntra algo asina? Si mi tabata
sa, cu tabata posibel pa casa
awor, lo mi bende e cas mayan
mes. Mi no tin mester di bisabo
esey mes. Mi ta stimabo dushi,
no cu bo ta duda esey? Pero ya cu
nos no por casa awor, mi kier tin
un cas propio. Purba comprende
esey Roland, por favor".